

中国边疆研究资料文库·边疆行政建制初编

綜合

中国边疆研究资料文库·边疆行政建制初编

綜合

華陽國志
十卷

四部叢刊史部

上海涵芬樓借烏程
劉氏嘉業堂藏明錢
叔寶鈔本景印原書
版心高營造尺六寸
五分寬四寸六分

重刊華陽國志叙

古者封建五等諸侯國皆有史以記事后世罷封建為罷縣然亦必有圖志以具述蓋以疆域既殊風俗各異山川有險要阨塞之當備罷邑有廢置割隸之不常至於一士之行一民之謠皆有不可殫者顧非筆之於書則不能也周官職方氏掌天下之地圖辨其輶國罷夷蠻閩貉五戎六狄之人民與其財用之數要至於九穀之所宜六畜之所產亦未嘗不佔畢而紀其詳况夫環數千里之地分城置邑始踰數十中間時異事變往來裂為偏方霸國其理亂得失蓋有繫天下大數安可使放絕而無聞虜此晉常璩

華陽國志之作所以有補於史家者流也予嘗攷其書詔分區別各有條理其指歸有三焉晉述巴蜀漢中南中之風土次列公孫述劉二牧蜀二主之興廢及晉太康之混一以迄於特雄壽勢之僭竊繼之以兩漢以來先後賢人梁益寧三州士女摠讚序志終焉就其三者之間於一方人物尤致深意雖侏離之氓賤俚之婦苟有可取在所不棄此尤足以弘宣風教使善惡知所懲勸豈但屑於山川物產以資廣見異聞而已乎

本朝元豐間呂汲公守成都嘗刊是書以廣其傳而載祀荒忽刊缺愈多觀者莫曉所謂予每患此久矣

假守臨邛官居有暇蓋嘗博訪善本以證其誤而莫
之或得因據兩漢史陳壽蜀書益韻者舊傳互相參
訂以決所疑凡一事而先後失序本末舛逆者則考
而正之一意而詞旨重複句讀錯雜者則刊而去之
設或字誤而文理明白者則因而全之其他旁搜遠
取求通於義者又非一端凡此皆有明驗可信不誣
者若其無所考據則亦不敢臆決姑闕之以俟能者
然較以舊本之訛謬大略十得五六矣鐫木既具輒
叙所以冠於篇首好古博雅與我同志者願無以夏
五郭公之義而律之嘉泰甲子季夏朔眉丹稜李暨
耕塵甫謹叙

賈永寶書志亦述
愛護不異隨候殊
有假不遇神誅
子孫常之何其思

華陽國志目錄

第一

巴志

第二

漢中志

第三

蜀志

第四

南中志

第五

公孫述 錙 二牧志

第六

錙先主志

第七

錙後主志

第八

大同志

第九

李特雄 壽 勢志

第十

先賢士女 摠 讚

第十一

後賢志

第十二

序志并益梁寧三州先漢
以來士女名目錄

華陽國志目錄

華陽國志卷第

五



昔在唐虞漢魏封殖海天興道江疏河

百川蠲脩封殖天下因古九州置九州仰稟參伐

俯壤華陽黑水江漢為梁州厥土青黎厥田惟下上

厥賦惟下中厥貢瓊鐵銀鏤砮磬熊羆狐狸織皮於

是四奧既宅九州道同六府孔修庶土交正底眷財

賦成貢中國蓋時雍之化東被西漸矣歷夏啟周九

州牧伯率職周文為伯西有九國及武王克商并徐

合青省梁合雍而職方氏猶掌其地辨其土壤甄其

寶利起于秦帝漢興高祖藉之成業乃改雍曰涼革

梁曰益故巴漢庸蜀屬益州至魏咸熙元年平蜀始分益州巴漢七郡置梁州治漢中以相國叅軍中山耿輔為刺史元康六年廣漢益州更割雍州之武都陰平荊州之新城上庸魏興以屬焉凡統郡一十一縣五十八洛書曰人皇始出繼地皇之後兄弟九人分理九州為九囿人皇居中州制八輔華陽之壤梁岷之域是其一囿囿中之國則巴蜀矣其分野輿鬼東井其君上世未聞五帝以來黃帝高陽之支庶世為侯伯及禹治水命州巴蜀以屬梁州禹娶於塗山辛壬癸甲而去生子啓呱呱啼不及視三過其門而不入室務在救時今江州塗山是也帝禹之廟銘

存焉會諸侯於會稽執玉帛者萬國巴蜀往焉周武
王伐紂實得巴蜀之師著乎尚書巴師勇銳歌舞以
凌殷人倒戈故世稱之曰武王伐紂前歌後舞也武
王既克殷以其宗姬於巴爵之以子古者遠國雖大
爵不過子故吳楚及巴皆曰子 其地東至魚復西
至棘道北接漢中南極黔涪土植五穀牲具六畜桑
蠶麻苧魚鹽銅鐵丹漆茶蜜靈龜巨犀山雞白雉黃
澀鮮粉皆納貢之其果實之珍者樹有荔支蔓有辛
藟園有芳蒟香茗給客橙蔗 其藥物之異者有巴
戟天樹竹木之貴者有桃支靈壽其名山有塗籍靈
臺石書邠山 其民質直好義土風敦厚有先民之

流故其詩曰川厓惟平其稼多黍旨酒嘉穀可以養
父野惟阜丘彼稷多有嘉穀旨酒可以養母其祭祀
之詩曰淮月孟春獮祭彼崖永言孝思享祀孔嘉彼
黍既潔彼儀惟澤蒸命良辰祖考來格其好古樂道
之詩曰日月明明亦惟其名誰能長生不朽難獲又
曰惟德實寶富貴何常我思古人令問令望而其失
在於重遲魯鈍俗素樸與造次辨麗之氣其屬有濮
賁苴共奴獯夷蠻之蠻周之仲世雖奉王職與秦楚
鄧為比春秋魯桓公九年巴子使韓服告楚請與鄧
為好楚子使道朔將巴客聘鄧鄧南鄙攻而奪其幣
巴子怒伐鄧敗之其後巴師楚師伐申楚子虜巴師

魯莊公十八年巴伐楚克之 魯文公十六年巴

與秦楚共滅庸 哀公十八年巴人伐楚敗於鄆

是後楚主夏盟秦擅西土巴國分遠故於盟會希

戰國時嘗與楚婚及七國稱王巴亦稱王 周之季

世巴國有亂將軍募子請師於楚許以三城楚王救

巴巴國既寧楚使請城募子曰藉楚之靈克弭禍難

誠許楚王城將吾頭往謝之城不可得也乃自刎以

頭授楚使王歎曰使吾得臣若巴募子用城何為乃

以上卿禮葬其頭巴國葬其身亦以上卿禮 周顯

王時楚國衰弱秦惠文王與巴蜀為好蜀王弟苴私

親於巴巴蜀世戰爭 周慎王五年蜀王伐苴侯苴

侯奔巴巴為求救於秦秦惠文王遣張儀司馬錯救
苴巴遂伐蜀滅之儀貪巴道之富因取巴執王以歸
置巴蜀及漢中郡分其地為一縣儀城江州司馬錯
自巴涪水取楚商於之地為黔中郡 秦昭襄王時
白虎為害自秦蜀巴漢患之秦王乃重募國中有能
煞虎者邑萬家金帛稱之於是夷胸恐廖仲藥何射
虎秦精等乃作白竹弩於高樓上射虎中頭三節白
虎常從羣虎瞑恚盡搏煞羣虎大响而死秦王嘉之
曰虎歷四郡害千二百人一朝患除功莫大焉欲如
要王嫌 其夷人乃刻石為盟要復夷人頃田不租
十妻不笑傷人者論煞人雇死俠錢盟曰秦祀夷輪

黃龍一雙夷犯秦輸清酒一鍾夷人安之漢興亦從
高祖定秦有功高祖因復之專以射白虎為事戶歲
出寶錢口四十故世號白虎復夷一曰板楯蠻今所
謂弜頭虎子者也 漢高帝滅秦為漢王王巴蜀閬
中人范目有恩信方畧知帝必定天下說帝為募發
寶民要與共定秦秦地既定封目為長安建章鄉侯
帝將討關東寶民皆思歸帝嘉其功而難傷其意遂
聽還巴謂目曰富貴不歸故鄉如衣繡夜行耳徒
封閬中慈鄉侯目固辭乃封渡沔縣侯故世謂三秦
亡范三侯也目復除民羅朴咎鄂度夕龔七姓不供
租賦 閬中有渝水寶民多居水左右天性勁勇初